



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Discrimen inter Petru[m], & Iudam peccantes.

urn:nbn:de:hbz:466:1-45701

DEO, sed DEVM sibi seruire. Quod fundamentum, cùm sit futile
& peruersum, necesse fuit regnum illius collabi.

Quid? non in eodem agro dumtaxat, sed etiam in vno
eodemque templo fuerunt Pharisæus & Publicanus, quorum
vnuſ assumptus, alter relictus est. Nam inflatus superbia Pha-
risæus in ventis atque inani gloria ædificauit; eapropter flue-
runt venti, & irruerunt in domum illam, & cecidit, & fuit ruina
illius magna. Excidit enim Pharisæus, & omnia illius jejunia,
omnes decimæ, omnes eleemosynæ perierunt in superbia scopu-
los allisæ. Quis eas allisit? nonnè ipse, cuius oratio, fuit jacta-
rio? & affectus, aliorum contemptus? Publicani autem preces
sunt auditæ, quia oratio humiliantis se penetrat nubes. Optimum
fundamentum fuit humilitas & contemptus sui. Itaque utrum-
que contemptus promovit, sed Publicanum contemptus sui,
Pharisæum contemptus aliorum; illum, ut justificaretur, hunc,
ut condemnaretur. Potuisset & Publicanus contemptum hunc
in alios, & Pharisæus in se ipsum torquere: sed assumptus est
Publicanus, qui nixus est veritate; projectus Pharisæus, quia
cùm mille sui ipsius contempnendi causas, non secus atque Pu-
blicanus haberet, alios ingenti vanitate contempnit. Numquid
non justum fuit judicium Omnipotentis?

VI.

Luc. 18. 10.

Match. 7. 27.

Ecli. 35. 22.

Sed & Apostolos consideremus. Cecidit Petrus, cecidit
Iudas. Ille Christum negavit, hic etiam vendidit. Vterq; Apo-
stolus fuit, utrumque in suum assumptum Dominus comitatum: Matth. 26. 69.
utriusque corpus suum in escam, & sanguinem in potum præbuit.
Vterque prævaricatus est. Ille fuit negator, iste proditor. De-
nique vterque suspensus est, ille in cruce, hic in arbore. Sed ille
assumptus est de cruce ad cælum, sessurus super vna duodecim
sedium, & Mundum totum judicaturus; iste de arbore raptus est
ad Orcum, avaritiae, furci, proditionis, ingratitudinis, despera-
tionisque sua poenas æternas luiturus. Vnde hæc diuersitas? in-
ter tot rebus parens, quare tam dispar est exitus? Nimirum diuer-
sis fundamenti erant inædificati. Petrus in petra (petra autem Luc. 18. 61.
erat Christus, qui respexit Petrum) Iudas in crumena. Petrus timore
peccauit, Iudas cupiditate. Petrus non diu in peccato per-
manuit: Iudas deliberatè deliquit. Nam vix tertia vice Petrus

Luc. 18. 61.

Hhhh 3 nega-

614 Cap. LVI. Exempla feliciter, vel infeliciter tentatorum.

Matth. 16. 74. negaverat, cùm continuò gallus cantauit. Et recordatus est Petrus verbi IESV quod dixerat: Prìus quam gallus cantet, ter me negabis. Et quamvis Petra, mollis tamen erat Petra Petrus. Quando enim conuersus Dominus respexit Petrum, statim egressus foras fleuit amarè. Impletum est ergo illud: Illuxerunt fulgura eius orbitera: vidit, & commota est terra. Montes, sicut cera fluxerunt à facie Domini. Admisit namque solem Petrus, &, cera instar, in lachrymas diffluxit; neque enim animo fuit indurato. At Iudas, quia diu facinus secum agitauerat, quia dudum jam fur erat, quia abierat in concilio impiorum, Iudæorum & Pharisæorum, quia dux fuit eorum, qui IESV vincula iniecerunt: quia osculo Filium hominis tradidit, induravit in scelere, & in saxum mutatus, immò silice durior factus (siquidem è silice Moyses aquam eiecit, è Iuda Christus lachrymam vnam elicere non potuit) à tanto sole non est colliquefactus. Nam & illum sol respexit, lumineque tanto perfudit, ut criminis sui immanitatem non igno.
Matth. 27. 3. raret. Audi Matthæum: Tunc videns Iudas, qui eum tradidit, quidamnatus esset; pœnitentia ductus retulit 30. argenteos principibus sacerdotum & senioribus, dicens: Peccavi, tradens sanguinem justum. Quantum hoc lumen fuit? nonne peccatum suum agnouit? nonne pactum retractauit? nonne noluit, Christum esse damnum? Enim uero pœnitentiā ductus, etiam de restitutione iniustæ pecuniae cogitauit, & retulit 30. argenteos ad eosdem, à quibus, iniuste accepit? Quin & in publicam, coram principibus sacerdotum & senioribus, confessionem erupit dicens: Peccavi tradens sanguinem justum? Quanta hæc confessio fuit? Hæc omnia à Christo illum clementer respiciente atque illuminante. Sed ille lumine non cum Petro in fletum salutarem, non in vita emanationem, verùm in desperationis consilium vsus, proiectis argenteis in templo, recepit: & abiens laqueo se suspendit. Potuisset qui cum Petro peccauit, cum eodem veram agerere pœnitentiam: non egit, non quia non potuit, sed quia non voluit. Ut non veller, justè permisso est, immò & nobis utiliter: Sic enim discimus iustissima Dei judicia formidare: & non cum Iuda facere imperfectam peccatorum confessionem. Nec enim iste tantum peccauit tradens sanguinem justum, sed etiam murmurator erat,

sed

sed fur erat, & jam dudum harpagando se se ad proditionem faciendam disponebat.

Eiuscmodi diuersitatem etiam in duobus latronibus, qui utrimque Christum in ligno pendentem stipauerunt, luculentum exemplum propositum habemus. In eodem agro nequitiae, in eadem naui crudelitatis, in eadem homicidij mola deliquerunt. Damnantur ambo: ducuntur cum Christo ad supplicium *Luc. 23: 39.* ambo: ambo suspenduntur: ambo, in ipsa lethi janua, vident, audiuntque Christum Salvatorem; prodigia Solis & Lunæ cernunt ambo; ambo, terra contremiscente, in crucibus suis concutiuntur. Quin & ambo, ut volunt Origenes, Athanasius, Hilarius, Chrysostomus, alijque multi & magni authores, paulò antè, conuicia coniecerant in Redemptorem. Quàm in omnibus rebus pares dispari morte defuncti sunt? Vnus post conuicia in Christum jactata, patientia, mansuetudine, miraculis motus, credidit; alter in infidelitate persistit; vnum, sarcasmi vice, timorem prædicavit, alter conuiciari perrexit: vnum eodem adhuc die cum Christo fuit in Paradiso, alter de cruce lignea ad igneos cruciatus, & æternos gemitus descendit. Vnde hoc discrimen? Non in Christo, qui medius pendens æquè vni ac alteri vicinus fuit; & eadem miracula vtriq; spectanda exhibuit. Sed vnum ferrea & obstinata voluntas perdidit; alter in se descendens dignum se suo supplicio, indignum cruce Christum agnouit. Itaque lucem à diuina sapientia effulgentem acceptauit, eamque secutus Christum, & sua delicta confessus meruit intrare in Paradisum. Quemadmodum & alter meruit in Acheruntem præcipitari, quia diuinum lumen & nutum repudiavit. Itaque cùm vterque in mola esset impietatis, rotaque scelerum verretetur, quam crudelitas agitabat; alter fuit electus, vt esset vas misericordia, in quo Christus fidem, humilitatem, pœnitentiam, diuinamque suam gratiam depositus; ipso etiam ad gratiæ acceptationem cooperante; alter vero fuit in suis flagitijs, malitiaque relictus, tamquam vas ire, à Deo, ob culpam obstinationemque suam pertinacissimam reprobatum.

Duo hinc trahenda sunt documenta. Primum est, eos, qui à tentationibus victi percunt culpam non Deo, sed sibi met ipsi

VII.

Athanasius
serm. conix.
omnes hære-
ses. Iuuenc.
lib. 4. hist.
Euangelij

Rom 9: 22.

IX.

attit.